

«ВОПРОСЫ ЭСТЕТИКИ». КРИЗИС ЗАПАДНОЕВРОПЕЙСКОГО
ИСКУССТВА И СОВРЕМЕННАЯ ЗАРУБЕЖНАЯ ЭСТЕТИКА.
ВЫПУСК 8. М., «ИСКУССТВО». 1968. 327 СТР.

«Գեղագիտության հարցերի» նոր, ութերորդ պրակը ուշադրություն է գրավում շոշափվող թեմաների լրջությամբ և արդիականությամբ: Հեղինակները՝ հայտնի գիտնականներ Ն. Դմիտրիևան, Ա. Լոսեր, Ցու. Դավիդովը, Բ. Դիլենսոնը, Ա. Դուլիգան անդրադառնում են ժամանակակից գեղագիտության կարևորագույն հարցերին, որոնք, դժբախտաբար, բավարար չափով չեն լուսաբանված սովետական գեղագիտության մեջ: Ժողովածուում, հոգվածի ձևով ներկայացված աշխատանքները և՛ իրենց չափերով, և՛ վերլուծության խորությամբ, և՛ նյութի ընդգրկման լայնությամբ դուրս են գալիս դիտական ուսումնասիրության տվյալ ձևի ընդունված շրջանակներից: Հավանաբար, ավելի ճիշտ կլինեիր բնութագրել դրանք իբրև Լոսեի Ժողովածուում հավաքված աշխատանքների լուրջ ուշադրության և մեկնաբանման կարիք են զգում:

XX դարի խոշորագույն դրող և փիլիսոփա Թ. Մանը իր ստեղծագործական կատարելության է հասել «Դուկտոր Ֆաուստուս» վեպում: Դա մի ստեղծագործություն է, որ հավասար չափով կարելի է անվանել և՛ դեղարվեստական, և՛ փիլիսոփայական: Ընդ որում, ժամանակակից մշակույթի փիլիսոփայության նման խոր բացահայտման մենք չենք հանդիպում նույնիսկ մասնագիտական, դեղագիտական տրակտատներում: Ն. Դմիտրիևան իր «Թ. Մանը արվեստի ճգնաժամի մասին» աշխատանքում անդրադառնում է «Դուկտոր Ֆաուստուսի» հենց այդ փիլիսոփայական կողմին: Կանդ առնելով Մանի աշխարհայացքի ընդհանուր գծերի վրա, նա վեպում առանձնացնում է դեղագիտության մի քանի հանգուցային պրոբլեմներ: Դա ժամանակակից արվեստի և նրա ճգնաժամի, ժամանակակից մտավորականության ողբերգության և Մանի «նոր հումանիզմի» պրոբլեմներն են: Հատուկ քննվում են «արվեստի փակ ոլորտի ներփակվածության սահմանների ընդլայնման միտումը»՝ մի շատ կարևոր պրոբլեմ և՛ «Դուկտոր Ֆաուստուսի», և՛ ամբողջ ժամանակակից արվեստի ըմբռնման համար:

Վերլուծելով վեպում բարձրացված հիմնական գեղագիտական պրոբլեմները, Ն. Դմիտրիևան դալիս է այն եզրակացություն, որ «Դուկտոր Ֆաուստուսը» բուրժուական մշակույթի ճգնաժամի պատմությունն է, մոդեռնիզմի ուսումնասիրությունը՝ փայլուն ներկայացված մեծ գրողի կողմից:

«Վազնների մեծ պրոբլեմին» է նվիրված Ա. Լոսերի «Ռիխարդ Վազնների պրոբլեմը անցյալում և ներկայում» աշխատությունը: Վազնների անվան հետ կապված են երկարատև և սուր վեճեր երաժշտության տեսության, երաժշտական գեղագիտության, ինչպես նաև մշակույթի փիլիսոփայության շատ այլ պրոբլեմների մասին: Ավելի քան հարյուր տարի առաջ սկսված այդ վեճերը չեն լուրջ նաև այսօր: Իր ընդարձակ հոգվածում Ա. Լոսեր ներկայացնում է այդ պրոբլեմների բավական մանրամասն պատմությունը: Բերվում են բազմաթիվ արևմտյան, ռուս և սովետական դործիչների և գրողների ասույթներ: Բնական է, որ հեղինակը մանրամասն կանգ է առնում Վազնների-նիցչե պրոբլեմի վրա՝ կարողանալով տալ ճշգրիտ և ժամանակակից մեկնաբանում մեծ կոմպոզիտորի և փիլիսոփայի բարդ հարաբերություններին: Խնդիր դնելով աղատել Վազնների մտքերը ուշ շերտավորումներից և աղավաղումներից, հեղինակը դիմում է սկզբնաղբյուրին և ամենահեղինակավոր կարծիքների: Վերջում Լոսեր վերլուծում է «նիբելունգի մատանին» քառերգությունը, այն համարելով Վազնների արվեստի և փիլիսոփայության ընկալման բանալին:

«Արվեստը և էլիտան» հանրահայտ գրքի հեղինակ Ցու. Դավիդովը նույնպես իր «Արվեստագետը և օտարացած արվեստը» հոգվածում անդրադառնում է Թ. Մանի «Դուկտոր Ֆաուստուս» վեպին: Հեղինակը փորձում է պատասխան գտնել հետևյալ առեղծվածին: Մի կողմից՝ արդեն ահա երկու և կես դար է, որ խոսակցություններ են զնում արվեստի ճգնաժամի, անկման, ան-

հետաքման մասին, և հենց ինքը՝ եվրոպական քաղաքակրթությունը, անխուսափելիորեն ստեղծում է պայմաններ, որոնք, կարծես թե, արմատապես բացառում են արվեստի հետագա զոյությունն ամեն մի հնարավորություն, բայց, մյուս կողմից՝ արվեստը, այնուամենայնիվ պահպանվում է, ընդարձակելով իր ընթերցասրահը, կատարելագործելով իր վարպետությունը ու դրանով իսկ մերժելով ամենամոռացելի գույակությունները: Քննելով այդ առեղծվածը, Դավիդովը կանգ է առնում հետևյալ խնդիրների վրա՝ Հեգելը և ողորդողները արվեստի ճգնաժամի մասին, XX դարի արևմտաեվրոպական արվեստագետները՝ երես առ երես: օտարացած արվեստի հետ, արվեստի ճգնաժամը և արվեստագետի պատասխանատվությունը: Այդ կապակցությամբ նա անդրադառնում է նաև Բեռլինի Ադոլֆ Սարտրի, Բրեխտի, Բ. Մանի հայացքներին:

Ամերիկայում և Անգլիայում արդի գրականագիտական կարևոր ուղղություններից մեկն է համարվում «նոր քննադատությունը»: Այդ խնդիրը լայնորեն լուսաբանված է Ռ. Վեյմանի «Նոր քննադատությունը և ժամանակակից բուրժուական գրականագիտության ճգնաժամը» (Մ., 1965 թ.) աշխատության մեջ: Նույն խնդրին է նվիրված նաև Բ. Գիլենսոնի «Ակնարկ «նոր քննադատության» մասին» հոդվածը: Հեղինակը հաստատում է, որ «նոր քննադատության» հիմքում ընկած է իմաթիզմի, ֆրանսիական սիմվոլիզմի «նեոհումանիզմի» և 20-ական թվականների ողորդական ֆորմալիզմի գաղափարների էկլեկտիկ հավաքածուն: Աշխատությունը կառուցված է գրականագիտական և փիլիսոփայական հարուստ նյութի վրա:

Ա. Գուլիգայի ոչ մեծ հոդվածը նվիրված է Ֆրանց Կաֆկայի փիլիսոփայական արձակի վերլուծությանը: Բնական է, որ հեղինակին չի հաջողվել բնութագրել այդպիսի մի խոր և բարդ երևույթ: Առանձին ստեղծագործությունների վերլուծությունը միայն ընդգծել է Կաֆկայի փիլիսոփայության որոշ տեսանկյուններ:

СОДРУЖЕСТВО НАУК И ТАЙНЫ ТВОРЧЕСТВА. СБОРНИК СТАТЕЙ. М., «ИСКУССТВО». 1968. 450 СТР.

Գոյություն ունե՞ն արդյոք գաղտնիքներ արվեստում և կարո՞ղ են նրանք հայտնաբերվել: Այդ հարցին պատասխանում են տարբեր ձևով: Ժողովածուում տեղավորված են այնպիսի հեղինակների հոդվածներ, որոնք կարծում են, որ այդ գաղտնիքները գոյություն ունեն և, ըստ էության, կարող են բացահայտվել: Նրանց հիմնական նպատակն է՝ չուսումնասիրված կամ քիչ ուսումնասիրված հարցերի առաջադրումը:

Ժողովածուում կաղմված է չորս բաժիններից: Առաջինում տրվում են ստեղծագործության համալիր ուսումնասիրման ընդհանուր տեսական հարցեր: Այստեղ տեղավորված են Բ. Մեյլախի «Գեղարվեստական ստեղծագործության համալիր ուսումնասիրման ուղիները», Ա. Ինգոլիտովի «Սոցիոլոգիա և բնագիտություն», Բ. Կուբլանովի «Գեղագիտություն և հոգեբանություն», Բ. Ռունինի «Դիտության տրամաբանությունը և արվեստի տրամաբանությունը», Մ. Սապալովի «Գեղարվեստական ստեղծագործությունն իբրև ստրուկտուրա» և այլ հոդվածներ:

Նրկորդ բաժինը պարունակում է հոդվածներ՝ նվիրված ստեղծագործության հոգեբանության հարցերին, գրականության, գեղարվեստի, կինոյի, ճարտարապետության մեջ: Այստեղ պետք է նշել Ն. Ֆորտունատովի «Ստեղծագործական պրոցեսը և ընթերցողի ընկալումը», Վ. Գուսևի «Կոլեկտիվ ստեղծագործության հոգեբանությունը», Գ. Կոզինցևի «Բեմը, գիրքը, էկրանը» և այլ հոդվածներ:

Ժողովածուի երրորդ բաժնում տեղադրված է Լ. Սալյամոնի «Էմոցիոնալ-գեղագիտական պրոցեսների ֆիզիոլոգիայի մասին» հոդվածում քննվում են արվեստի ուսումնասիրման մեջ ֆիզիոլոգիայի կիրառման հարցերը:

Չորրորդ բաժինը նվիրված է ստեղծագործության ուսումնասիրման մեջ ամենաարդիականին՝ կիրքերնետիկական և մաթեմատիկական մեթոդների կիրառման հարցերին: Բաժնում կան ինչպես տեսական բնույթ ունեցող հոդվածներ, օրինակ՝ Բ. Իգորովի «Գրականագիտությունը և մաթեմատիկական մեթոդները», Գ. Վասյուտոշկինի «Գեղարվեստական և մաթեմատիկական մտածողության մասին», այնպես էլ կոնկրետ՝ Ա. Կոլմորովի և Ա. Պրոխորովի «Ռուս կլասիկ տաղաչափության հիմունքների մասին» և այլն:

Դիտության տարբեր ասպարեզների պատկանող հեղինակներ ժողովածուում աշխատում են միասնական մեթոդոլոգիական հիմքի վրա: Ինչ որոշ հոդվածներ կրում են բանավեճային բնույթ, այնուամենայնիվ, նման ժողովածուի հրատարակումը մեղ մոտեցնում է ստեղծագործության գաղտնիքների ակունքներին:

Г. УЭЛЛС. КРАХ ПСИХОАНАЛИЗА. ОТ ФРЕЙДА К ФРОММУ
М., «ПРОГРЕСС». 1968. 287 СТР.

Պսիխոանալիզը վճռական ազդեցություն է ունեցել Արևմուտքի գիտակցության կազմավորման վրա: ԱՄՆ-ը դարձավ պսիխոանալիզի գաղափարների երկրորդ հայրենիքը, ուր դրանով ենթոթվեց ամբողջ ազգային մշակույթը: 2. Ուելսը պսիխոանալիզի խոշորագույն մասնագետներից է: Նրա առաջին գիրքը՝ «Պալլոս և Ֆրեյդ» հրատարակվել է Մոսկվայում 1959 թ.: Այդ գրքում տրված էր Ֆրեյդի դեմ ընդհանուր բնութագիրը: Նոր գրքում հեղինակը ստեղծել է պսիխոանալիզի պատմությունը ԱՄՆ-ում, որտեղ պսիխոանալիզի ավանդական ձևը վաղուց ենթարկվել է խիստ վերակառուցման:

Աշխատանքի առաջին մասը նվիրված է Ֆրեյդին և ամերիկյան կլասիկ պսիխոանալիզին, մասնավորապես մանրամասն պատմում է ամերիկյան պսիխոանալիզի հիմնադիր Ա. Բրիլլի մասին: Դրքի մնացած էջերը նվիրված են Ֆրեյդի խոշոր մասնագետներ Կարեն Հորնին և Էրիկ Ֆրոմմին: Հենց այս երկու պսիխոանալիտիկները վճռական ազդեցություն ունեցան պսիխոանալիզի զարգացման վրա ԱՄՆ-ում, պսիխոանալիզի՝ «կենսաբանականից» դեպի «մշակութային» փոխանցման հարցում:

2. Ուելսի խոր և օրյակտիվ ուսումնասիրությունը պատկանում է համաշխարհային դրակա-նության մեջ պսիխոանալիզի մասին լավագույն աշխատությունների թվին: